

سنه لکی در سعادت ایچون مجیدیه
یکرمی فروش حسابیه التمش
غروشدر

طشمره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

کتابخانه

آبونه اولمقی ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه یرتسی و چهارشنبه کونلری نشر اولنور. محتویاتی امور عدلیه به متعلقدر

توضیحات

دکترلی سنجایی بدایت محکمه سی مدعی عمومی
معاونلکی منتشا سنجایی بدایت محکمه سی مدعی
عمومی معاونی عزتلو شاکر بکه
منتشا سنجایی بدایت محکمه سی مدعی عمومی
معاونلکی دکترلی سنجایی بدایت محکمه سی مدعی
عمومی معاونی توفیق افندی به
میس جزیره سی بدایت محکمه سی ریاستی موش
سنجایی بدایت محکمه سی جزا دائره سی ریاستندن
منفصل عزتلو عبدالرحمن افندی به
خیاره قضاسی بدایت محکمه سی مدعی عمومی
معاونلکی امامیه سنجایی بدایت محکمه سی مستنطق
عثمان نوری افندی به
اخی چلی قضاسی بدایت محکمه سی مدعی عمومی
معاونلکی مکتب حقوق شاهانه مأذونلرندن صبحی
بکه
معلقره قضاسی بدایت محکمه سی مدعی عمومی
معاونلکی ارضروم ولایتی مرکز بدایت محکمه سی
ایکنجی مستنطق محمود ندیم افندی به
مدیه قضاسی بدایت محکمه سی مدعی عمومی
معاونلکی حلب ولایتی مرکز بدایت محکمه سی
سرمستنطق احمد حمدی افندی به تفویض بیورلش
ومومی الیهمدن شاکر بک ایله توفیق و عبدالرحمن
افندیلر ذاتاً مخلف اولدقلری کبی دیگرلرینک دخی
علی الاصول امر تحلیفلرینک اجراسی لزومی محللرینه
تبلیغ و انبا قلمشدر .

تبلیغات

دوائر اجراییه جه ویریلان اعلاماتدن تحصیلات
وقوعبولدجه معامله دفترینه یازیله جق مقبوض
شرحلرینه یکرمی پاره لک پول الصاق و ابطالی و اعلاماتک
تمامی اجراسیله اصحابی طرفلرندن استردادی حالنده
دخی بووجهله معامله ایفاسی لازمه دن اولدینی حالده

مناسرت وقوصوه ولایتلری محاکمندن بعضیلرنده مقبوض
شرحلرینه هیچ پول الصاق اولنماش و بعضیلرینه ده
قرق باردلک پول الصاق اولنوب اعاده قلمنان اعلاماتک
مقبوض شرحلرینه پول یاشدیرلماش اولدینی عند
التفتیش کوریلره رک پول وضع اولنماش شرحلر ایچون
مأمورندن جزای نقدی اخذی ایسه کثیر الوقوع
اولان بومثللو معاملات جزای تقدیرلرینک حدکلی به
بالغ اولمسيله خارج از دائره امکان کورنمش و بعدازین
اجرا قلمنان تبلیغات و تنبیها ت ایله بومثله یولنه قوتلش
ایسه ده اولجه واقع اولان نقایصدن طولانی ویریلان
جزای نقدی قرارلرینک موقع اجرا به وضعنده تردد
حاصل اولمش اولدینندن بختله استفسار معامله بی متضمن
مناسرت وقوصوه ولایتلری عدلیه مفتشکلندن وقوع
بولان اشعار اوزرینه دائره اجرا به تودیع اولنان اعلامات
محتویاتنک تحصیل وداینلرینه اعطاسنده مقدار تحصیلات
اعلامات ظهرینه قید و املا وزیر ی اصحابنه تختم
وامضا ایتمدیرلک و حکملری تماماً اجرا اولنان
اعلاماتک ظهرینه صورت معامله شرح ایدیلره رک تمغا
نظامنامه سی احکامنه توفیقاً و مقطوعاً یکرمی پاره لک
پول الصاق و ابطالیه قیدلری بالترقین مدیونلره اعطا
وتسلیم ایدلک صورتیه معامله اجراسی متعامل اولوب
اوله هر تسلیات وقوعنده آروجه یکرمی پاره لک
پول الصاق و ابطال اولنه جغه دائر رسم تمغا قانوننده
برکونه قید و اشارت کوریله ماش اولسنه نظراً مذکور
مفتشکلک طرفندن او یولده واقع اولان تنبیها ت
وتبلیغات موافق قانون دکسه ده جزای نقدی استحصانه
دائر اتحاد اولنان مقرراتک اصحابی طرفلرندن محکمه
تمیزه مراجعتله بومثللو جزای نقدی قرارلرینک
اصول تمیزینه دائر اولان نظامنامه مخصوصی احکامنه
توفیقاً نقضی استدعاسنه تشبث ایدلمسی لازم کله جکی
انجمن عدلیه دن افاده اولمشدر .

توتون محصولی خارجه سوق ایتمک اوزره زراعت
رژ ی اداره سنه ویردیکی تمهدسنداتنک اون غروشلق
تمغا پوله تابع اولوب اولدینی حقنده امور حقوقیه

مدیریتندن اعطا قلمنان مذکره اوزرینه دستورک
اوچنجی جلدینک اوچوز التمش اوچنجی صحیفه سنده
مندرج نمونه سنده کورلرینک اوزره سندات مذکور
خارجه سوق اولنان دخانلرک اوراده صرفیات رسمی
آلدینگی و یاداخل ممالکده صرف اولدینگی و یا خود
برآ ترانسیت اصولیه دیگر محله و بحرآ ممالک اجنبیه
کوندرلرینک و یا رژی به تسلیم اولنقی اوزره کمرک
انبارینه ادخال ایدلرینک مبین مدت معینه سی ظرفنده
شهادتنامه ابراز ایدیله مدیکی حالده صرفیات و مروریه
رسمنک مع فائض تأدیه اولنه جنی شرائط و مقاولاتی
جامع اولسنه نظراً بونلرک مقدار معین بر مبلغی حاوی
اولیوب مذکره مبجوده ده بیان اولدینگی وجهله تمغا
قانوننک رسوم مقطوعه حقنده کی تعرفه سی موجبنه
اون غروشلق پوله تابع اولان مقاوله نامه جمله سندن
ایدوکی انجمن عدلیه دن افاده قلمشدر .

محاکمات و مقررات

در سعادت استیناف سعی عمریه یکنمده :

اوروپایه فرار ایدلکی ادعاسیله متهم اولان
سلیمان شکری حقنده اصول محاکمات جزائی
قانوننک اوچپوز یتش برنجی ماده سی موجبنه
معامله مقتضیه ایفا و محاکمه غیاییه سی بالا اجرا
نتیجه سنده مرقومک مقدمه زوره تبعید ایدلش
ایکن موصله وارادن طهرانه و اخیراً پارسه
فرار ایدلکی ثابت اولدینندن قانون جزانک
یدنجی ماده سنک ایکنجی فقره سنه توفیقاً مؤبداً
قلعه بند ایدلمسنه و اوتوز برنجی ماده منطوقنه
حقوق مدنیه دن اسقاط اولنسنه و مقدمه اموالنک
حجزی حقنده ویریلان قرار نامه موجبنه اداره
ایتدیرلمسنه محکمه جنایتدن حکم اولنمش و اصول

محاکمات جزائیہ قانونیک اوچوز یتش یدنجی
واوچوز یتش سکرنجی و اوچوز سکسان
برنجی ماده لرله مواد سائرہ سی احکامہ توفیق
معامله اولنسی مرجعہ بیلریش اولمغله مذکور
اوچوز یتش سکرنجی ماده نک جملہ احکامندن
اولدینی وجہلہ اعلان کیفیتہ ابتدار قلندی .

محکمہ تمیز استدعا دائرہ سندن اعطا قلنان
۱ شباط سنہ ۳۱۸ تاریخلی اعلامدر:

صالحو قصہ سنده ساکن متوفی میخالا کی اوغلی
یواکم ایله پیلرندہ متکون دعویہ دائر آیدن ولایتی
استیناف محکمہ سی حقوق دائرہ سندن لاحق اولان
۲۹ تموز سنہ ۳۱۸ تاریخلی اعلامک تمیزینی مستدعی
ازمیردہ مقیم مصرلی زاده یوسف افندیکن کندو
طرفندن اصالة ووالده سی امینہ خانم جانبدن وکالة
وبردیکی عرغحال و متفرعانی باش مدعی عمومیک
ما موریت بہہ سنک مطالعہ نامہ سیلہ برلشدیریله رک
محکمہ تمیز استدعا دائرہ سندنہ لدی التذقی مدت
و شروط قانونیہ سہ موافق واعلام مذکور وظیفہ بہ
متعلق اولمغله عرغحال مزبور بالقبول بذقیقات تمیزیہ
اجرا سہ ابتدار قلندی .

اعلام مذکورک خلاصہ مالی مرقوم یواکم
کندوسیلہ بدری متوفی میخالا کنک ابراہیم عزمی
افندیکن اخذ واستقراض ایش اولدقلری بش یوز
عدد عثمانی لیراسنک تاملین استیفاسی ضمتندہ معلوم
الحدود اون اوچ قطعہ املاکی افندی مومی الہسہ
وفاء بیع وترہین ایشملر اسیدہ اساس دین بش یوز
لیرا اولدینی حالہ قاحش اولہ رق یوز اوتوز لیرا
گذشتہ ضم وعلاوہ سیلہ الی یوز اوتوز لیراہ ابلاغ
ایدلش ومذکور بش یوز لیراہ مقابل جستہ جستہ
وقوعبولان تسلیمایدن متبانی ایک یوز قرق بر
لیرا دینلری قالمش اولدینی حالہ افندی مومی الہ
املاک مرہونہ مذکورہ فی طابو کاتبی معرفتہ بالمزایدہ
فروختہ قیام ایش اولدیندن بخلہ مزایدہ واقعہ نک
منعیلہ دین متباق مذکور ی اخذ ایدرک اولیایدہ کی
رہنک فکی حقندہ مغنیسا سنجانی بدایت محکمہ سی
حقوق دائرہ سنہ بلراجہ اقامہ ایلدیکی دعوانک
جریان ایدن محاکمہ و تذقیقاتی نتیجہ سندنہ مدعیلرک
نابت اولہ میان قاحش گذشتہ وتسلیمات حقندہ کی
ادعایلرینک ردیلہ مزب سندک حاوی اولدینی الی یوز
اوتوز لیرانک مع قاض مدعیلردن بالتحصیل اخیراً
وفات ایدن مدعی علیہ ابراہیم عزمی افندیکن ورثہ سنہ

استیناف محکمہ سنہ اعادہ سنہ وایکی یوز اون طقوز
غروش اون بارہ مصارف تمیزیہ نک بالآخرہ حقسنز
ظہور ایدہ جک طرفہ راجع اولق اوزدہ اولاصردہ
مستدعی تمیزی یوسف افندیکن آئسنہ ۱ شباط سنہ
۳۱۸ تاریخندہ متفقاً قرار ویرلدی .

بک اوغلندہ اطہ زقاغندہ پولیس قومیسری محمد
شا کر و چاوش حسین افندیلری اجرای وظیفہ
انسانندہ تحقیر واوزلرینہ روولور انداخت ایلدیکی
ادعا اولمغسندن دولای جنایتلہ اتمام اولسان ایرانی
عازم نام دیکری عزیز بن فتح الہک بش سنہ مدتلہ
کورکہ قولنسہ دائرہ درسمادت جنابت محکمہ سندن
ویریلان یوز قرق بر نومرولی اعلام

تیبہ دلنک قرہ حاجی قرہ سندن امین راغبک
مادہ قلندن دولای جنایتلہ اتمام اولنان محرم بن
پیرامک اون بش وموسی قرانفیک اوچ سنہ مدتلہ
کورکہ قولنسہ دائرہ درسمادت سنجانی بدایت محکمہ سی
جزا دائرہ سندن ویریلان یتش سکرنجی نومرولی اعلام
اسکچلی خلیل ابراہیم بن ملا عثمانک قولاغی
قطع ایلدیکی ادعا اولمغسندن دولای جنایتلہ اتمام
اولنان داود بن حسنک اوچ سنہ مدتلہ کورکہ
قولنسہ دائرہ کوملجنہ سنجانی بدایت محکمہ سی جزا
دائرہ سندن ویریلان درتیزو یکرکی اوچ نومرولی اعلام
خانہ سندنہ بازوت اعمال ایلدیکی ادعا اولمغسندن
دولای جنایتلہ اتمام اولنان کرب قرہ لی سحاق ولد
اشونک اوچ سنہ مدتلہ کورکہ قولنسہ دائرہ یتلیس
ولایتی استیناف محکمہ سی جزا دائرہ سندن ویریلان
التش اوچ نومرولی اعلام

طرابلس غرب حبس خانہ سندنہ بولنان محکومیندن
حاجی سلیمان مجرورینی قتل ایلدیکی ادعا اولمغسندن
دولای جنایتلہ اتمام اولنان وکوزک جزاسیلہ محکوم
بولنان کوربریلی سلیمان بن اسماعیل وعمر بن مصطفانک
مدت محکومہ لرینک اقتضاسندن اعتباراً اون بشر سنہ
مدتلرلہ کورکہ قولنسہ دائرہ طرابلس غرب ولایتی
استیناف محکمہ سی جزا دائرہ سندن ویریلان اوتوز
درت نومرولی اعلام

بولی قصہ سنک سمرقد محلہ سندن محمد ناجی
افندیکن کیفیت قلندن دولای جنایتلہ اتمام اولنان
قرہ چار محلہ بقال واصف بن عزتک اون بش سنہ
مدتلہ کورکہ قولنسہ دائرہ بولی سنجانی بدایت محکمہ سی
جزا دائرہ سندن صادر اولان قرق سکرنجی نومرولی
اعلام محکمہ تمیزیہ جزا دائرہ سنجہ تصدیق اولمشدرہ

صندالجی احمدی جرح ایدن صالی بازاری اسکله
سندہ ساکن رزمی علیکنک اون کون حبسنہ
یکدیگری ضرب ایلدیکی ثابت اولان خیرکار محمددن اون
اغیانک اون کون و دیگر اغیا ایله مفردیجک برر
ہفتہ حبسلرینہ

نسیمک انجمنی سرق ایدن اورتہ کوبدہ ساکن
سحاربانک اوچ آی حبسنہ
مضاربہ ایلدیکی تحقیق ایدن رزی قولجیسی
مصطفی ایله قندقلیدہ قہوہ سی نورینک اونر کون
حبسلرینہ

نعلبد احمدک بارکیچی حسن اغانک بارکیچی
طولاند بردینی اصولاً ثابت اولدیندن اوچ آی حبسلہ
برابرمرقومدن اوچ ایرادہ جزای نقدی آئسنہ
طومیہ ای اسکملہ ایله ضرب ایدن باغچوان پرکلینک
اوچ کون حبسنہ

آدابہ سی ایوبی ضرب ایدن کوز تیبہ ساکن
آدابہ سی رضانک برہفتہ حبسنہ
زوجہ سی ناجیہ خانی ضرب ایدن اسکداردہ
خیرالدین چاوش محلہ سندنہ ساکن بیلنجی بہا الدین
افندیکن اوچ لیرا التدرق مزبورہ اعطاسہ
شکرینی ضرب ایدن بونجہ حمالی صالحک
برہفتہ حبسنہ

خدمہ دن محمد افندیہ اطالہ لسان ایدن
اسکداردہ ساکن عایشہ خانمک ایکی کون حبسنہ
باقونک خرملوبی ضرب ایلدیکی ثابت اولدیندن
برہفتہ حبسنہ

اسماعیلک کریاقوی ضرب وجرح ایلدیکی اکلا
شایدیندن اون کون حبسنہ
مارقہ ایله آوستولی جرح ایلدیکی ثابت اولان
بانندہ لینک آئی آی حبسنہ

بکر اغانک عایشہ خانمہ اطالہ لسان ایلدیکی ثابت
اولدیندن بارم لیرا جزای نقدی اخذینہ
محمد اوستہ نک خلیل اوستہ اطالہ لسان ایلدیکی
تحقیق ابتدکنندن برلیرا جزای نقدی اخذینہ
حسنینک محمد افندی ضرب ایلدیکی ثابت
اولدیندن برہفتہ حبسنہ

ابراہیمک انجمنی دولاند بردینی ثابت اولان
درولیشک اوچ آی حبسلہ برابر مرقومدن برلیرادہ
جزای نقدی آئسنہ

بنغازی کلقدان خانمک زنجیہ جیلہ قادی ضرب
ایلدیکی ثابت اولدیندن برلیرا التدرق مضروبہ اعطاسہ
مصطفانک نقیولی ضرب وجرح ایلدیکی ثابت
اولدیندن یکرکی کون حبسنہ

نجیبہ نام خانوہ اسماعیلک یکدیگری ضرب
ایلدیکی ثابت اولدیندن برہفتہ حبسلرینہ

قہوہ سی زادیکک جاملرینی قیرمق صورتیلہ
ایراٹ خسار ایلدیکی ثابت اولان خیرکار محمددن اون
بشکک جزای نقدی اخذینہ وخسار بدلتک تحصیلہ
حق دخولی اولدینی حالہ دیمترینک باغچہ سنہ کون
قاضی قرہ سندنہ ساکن باغچوان چراغی واسیلدن الی
بشکک جزای نقدی اخذینہ ویکرمی درت ساعت حبسنہ
باصمہ سی مفردیج ایله مانیفاطورہ سی مارقونک
یکدیگری ضرب ایلدیکی ثابت اولدیندن مفردیجک
اون کون و مارقونک برہفتہ مدتلرلہ حبسلرینہ

یورکی ضرب ایدن سلامزردہ ساکن قوری
قہوہ سی آغوبک برہفتہ حبسنہ
رنجبر ابراہیمی ضرب ایدن طوغرامہ سی صوتیری
ایلہ سلیمانک اونر کون حبسلرینہ
زینک قہوہ خانہ سی جاملرینی شکست ایدن زہرادن
اون بشکک جزای نقدی اخذینہ

خلیلی ضرب ایدن اسکدار اسکلسہ سی قایقچیلرندن
محمددن برلیرا التدرق مضروبہ اعطاسہ
صاریکزدہ چیقریقچی محلہ سندنہ تلغرافخانہ
قواصلرندن سعد الدین افندیکن خانہ سنہ سرق قصدیلہ
کیردیکی ثابت اولان خاصکوبلی حایم ولد لئونک سابقہ
مکررہ اہمچانندن بولمغسندن دولای برسنہ مدتلہ حبسنہ
درسمادت بک اوغلی واسکدار بدایت محکمہ لری جزا
دائرہ لرینجہ قرار ویرلشدیر .

اعلانات

برنجی محکمہ نماز سنہ :

روسیہ دولتی تبعہ سندن غلطہ دہ تالاس خانندہ
واقع اداره خانہ دہ ساکن « بحر حرز وقرہ دکر
نفت شرکت تجاریہ وصناعیہ سی اجتنہ سی » و وکیلی
موسیو ایزیدور قورہس واد . روبرک تبعہ دولت
علیہ دن اولوب توتون کمرکنندہ بقال دکانندہ اقامت
ایتمکدہ لر ایکن الیوم اقامتکالہری مجهول بولندینی
خبر ویریلان بقال واسیل ب واسیلیادیس و یورکی
ب واسیلیادیس ذمتلرندہ غار بدلندن طولای مطلوبی
اولہ رق ادعا کردہ سی اولان قرق بش لیرا الی ایکی
غروشکک تحصیل حقندہ مرقومان علیہ لرینہ محکمہ
تجارت برنجی مجلسندہ اقامہ ایلدیکی دعوانک اشبو
اوچوز اون طقوز سنہ سی تشرین اولنک اون برنجی
جمعہ ایرتسی کونی ساعت التیدہ فصل ورؤیتہ
مباشرت اولنہ جفندن مرقومان واسیل ب واسیلیادیس
ایلہ یورکی ب واسیلیادیسک یوم ووقت مذکورہ
محکمہ مزبورہ دہ حاضر بولنلری ویاخود مصدق سندلہ
بروکیل کوندرملری لازم کلجکی وشاید کلزرووکیل

کوندرملر ایسہ دیگر طرفک وقوعبولہ جق طای
اوزرینہ حققرندہ معاملہ غیبیہ اجرا قلنہ جفی معلوم
اولق اوزدہ تنظیم اولنان دعوتیہ ورقمی اصول
محاکمہ تجارت نظامنامہ سنک یکرکی یدنجی مادہ سنک
قرہ اخیرہ سنہ توفیقاً علی الاصول محکمہ نک
دیوانخانہ سنہ تعلیق قلندینی کی اوراق حوادث
واسطہ سیلہ دخی اعلان اولنور .

ایکنجی تجارت محکمہ سندنہ :

درسمادتدہ دقرایان خانندہ مقیم قومیسریو نجی
حمدی زاده حمدی افندیکن ۲۰ اپول سنہ ۳۱۹
تاریخندن اعتباراً اعلان افلاسنہ ومصالح افلاسیہ نک
رؤیت وتسویہ سی ضمتندہ اعضای محکمہ دن سعادتو
رضا بک زور قومیسر ودعوی وکیللرندن خستہ
اوغلی استاوراک افندیکن موقت سندک تعینلرینہ
ومغازسیلہ اشیای زائدہ بیتہ سنک تمہیرینہ واوراق
ودفاترینک جلبنہ وکندوسنک کفالت اراہمہ مدیک
تقدیردہ توقیفہ ووبایدہ کی قرارک موقفہ اجرا سہ
ایکنجی تجارت محکمہ سندن قرار ویرلش اولدیندن
قانوننامہ تجارتک ۱۷۰ نجی مادہ سی موجبنجہ دائمی
سندیکر انتخاب اولنق اوزدہ (۶ تشرین اول سنہ
۳۱۹) بازار ایرتسی کونی ساعت بدی زادہ لزندہ
احمباب مطلوبک محکمہ مذکورہ نک افلاس اوطنہ سنہ
کلری اعلان اولنور .

بک اوغلندہ فرانسیز سفارتخانہ سنک قارشوسندہ
چیقماز زقافدہ ساکن ایکن ایکنجی محکمہ تجارتدن
افلاسنہ حکم اولنش اولان بقال آندریا واولی حاجی
اغایو برادرلرک خصوصات افلاسیہ سنک رؤیت
وتسویہ سی ضمتندہ بدوساک کرباکدی ودران
ارغانیان افندیلر اصالة سندیک تعین قلنش
اولدقلرندن مفلس مرقوم ذمتندہ الاجنی اولانلرک
قانوننامہ تجارتک ۱۹۹ و ۲۰۰ نجی مادہ لری موجبنجہ
تحقیق دیون ایچون تاریخ اعلاندن اعتباراً یکرکی بر
کون طرفندہ سنداتی محکمہ کاتبہ تسلیم الیلری ومدت
مذکورہ ختامندن صکرہ اوچ کوندہ یعنی ۳۱۹ سنہ سی
تشرین اولنک برنجی چهارشنبہ ایکنجی پنجشنبہ
دردنجی جمعہ ایرتسی کونلرندہ ایکنجی محکمہ تجارتک
افلاس اوطنہ سنہ کلرک سندیک افندیلر مواجہہ سندہ
الاجقارنی اثبات وقید وتصدیق ایتدیرملری ومدت
مذکورہ دہ اثبات وجود ایدہ میان الاجقاولر حقندہ
قانون مذکورک ۲۱۰ نجی مادہ سنہ توفیقاً ایضای
معاملہ اولنہ جفی اعلان اولنور .

محكمة تجارت اجراء دائره سنده :

اسماعيل افنديك واحد بك ذمتند ايكنجى
محكمة تجارت اعلاميله محكوم به الاجننى اولان آقچىك
تسويه سيجون قاسم باشاده جامع كير محله سنده ينجييلر
جاده سنده يكرمى اتى نومرولى حمام ايله مشتملاتندن
بولنان محل مذكوره مدرسه زقاغنده شهرى يوز
سكان غروش ايجار كتورير ايكي نومرولى قهوه
خانه وفوقنده كائن درت نومرولى واوئير اوطة
ومشتملات سائره بي حاوى كار كير ابنه وطقوز واوئير
نومرولى عرصه ل ايله اون اوچ نومرولى قيو محلى
وبرى اون بش نومرولى ايكي اوطة لى وديكرى اون
يدى نومرولى اوچ اوطة وبرقو ومطبخ ومشتملات
سائره بي حاوى ايكي باب كهنه اخشاب خانه وينه
مذكور حمام مشتملاتندن بولنان يكرمى طقوز نومرولى
قاديئلره مخصوص حمامده اوتوز اتى سهم اعتباريله
اون يدى سهمدن مديون مومى اليك متصرف اولدينى
ربع حصه شايه سى تاريخ اعلاندن اعتباراً اون بش
كون صكره موقع مزايده قونيله جغندن اشتراسته
طالب اولانلرك ودها زياده معلومات آلىق استيانلرك
محكمة تجارت اجراء دائره سنده مراجعت ايللرى اعلان
اولتور .

اعلامات نظامه اجراء دائره سنده :

متوفى ابراهيم بك ورثه سنك بااعلام نظامى
طابور كاتبي صبرى بك ذمتند الاجننى اولان مبالغك
تأمين استيفاسى ايجون مديون مومى اليك عهده
تصرفنده اولان يدى قلهده كوركجى باشى جاده سنده
اون ايكي نومرولى نصف خانه ومحله مذكوره
قلايجى زقاغنده يدى نومرولى مع باغچه خانهك اون
ايكي حصه اعتباريله ايكي حصه سنك وينه محله مذكوره
يدى قله جاده سنده اللى اوچ واللى بش نومرولى
ايكي باب دكانده مستقر ثلثان عن نصف بربر كدكنك
ثالث حصه سيله كذلك محله مذكوره يدى قله جاده سنده
يتش اتى نومرولى بر باب دكانك تمامك واللى يدى
واللى طقوز نومرولى دكانلرك ثلثان حصه لرينك
تاريخ اعلاندن اعتباراً اون بش كون صكره بالمزايده
فروخته تشبث اوله جنى در سعادت اعلامات نظاميه
اجراء دائره سندن اعلان اولتور .

بك اوغلى بدایت محكمه سى اجراء دائره سنده :

عاده خانمك بك اوغلى بدایت محكمه سى ايكنجى
حقوق دائره سندن استحصال ايلديكى ۲۴ تموز سنه
۳۱۹ تاريخلى برقطعه اعلام موجبنجه حاجى حق
افندى ذمتند محكوم به الاجننى اولان معلوم المقدار

مبالغك تأمين استيفاسى ضمتند قاسم باشاده غازى
سان باشا وقفندن سر كجى مصاح الدين محله سنده
زنجيرلى قيو جاده سنده عتيق اوتوز طقوز وجديد
اوتوز يدى نومرولى شهرى يوز التمش غروش بدل
ايجاره متحمل معلوم الحدود بر باب اخشاب قهوه
خانه ده انتقالاً متصرف اولدينى ربع حصه شايه سى
حجز آلتنه آلديرلش اولمغله تاريخ اعلاندن اعتباراً
اون بش كون صكره بالمزايده فروخته تشبث اوله
جغندن طالب اولانلرك ودها زياده معلومات آلىق
استيانلرك بك اوغلى بدایت محكمه سى اجراء دائره سنده
مراجعت ايللرى اعلان اولتور .

آستينك خديجه حوريه خانم ذمتند بك اوغلى
بدایت محكمه سى برنجى حقوق دائره سى اعلاميله
اله جنى اولان مبالغ معلومهك تأمين استيفاسى ضمتند
مرهون وفروختى محكوم اولان غلظه ده محموديه
جاده سنده ايكيوز سكران بر نومرولى بر باب بورجى
فروننده يوز يكرمى سهم اعتباريله متصرف اولدينى
قرق سهمك اون درت بيك غروش بدل ايله طالبى
عهده سنده تقرر ايدرك موقت قرار داده سى چكلمش
اولديغندن تاريخ اعلاندن اعتباراً اوتوز بر كون ظرفنده
يوزده بش ضميمه طالب اولنلرك ودها زياده معلومات
آلىق استيانلرك يوزده اون نسبتندكى ديپوزيتو اچقه
لرني مستصحباً بك اوغلى بدایت محكمه سى اجراء
دائره سنده مراجعت ايللرى ومدت مذكوره ختامند
يعنى شهر تشرين اولك يكر منجى بازار ايرتسى كوني
ساعت طقوزده قرار داده قطيعسى كشيده قلنقى
اوزره سالف الذكر دكان پيشكاهنده ومأمورى
مواجهه سنده حاضر بولنلرى دائره مذكوره دن اعلان
اولتور .

ازميد سنجاقى بدایت محكمه سى اجراء دائره سنده :

ككبوزه رزى وكيلى حاجى ابراهيم بكك زوجة سى
شهور خانمك ازميد ايتام صنديغندن ومحرم افندى
ايتامى ماللرندن استدانه ايلديكى مبالغ معلومهك تأمين
استيفاسى ضمتند مرهون وفروختى محكوم اولان ازميده
نعلبورلر چارشو سنده طرفلى شرقاً معامله جى زاده
قهوه سى غرباً نيغو غوص دكانى شمالاً وجنوباً طريق
ايله محدود خزينه جليله اوقافدن مضبوط بر باب
وقف دكانك نصف حصه سى لى المزايده بيك اللى
غروشه وچارشو باشنده شمالاً عاشق بابا اوغلى دكانى
وجنوباً صاحب سند قهوه خانه سى شرقاً طريق عام
غرباً سر كرك كرج خانه باغچه سى ايله محدود صرف
ملك بر باب طوغرامه جى دكانى اوچ بيك غروشه

طالبلى اوزرلرند تقرر ايدوب موقت قرار داده سى
چكلمش اولديغندن تاريخ اعلاندن اعتباراً يوزده
بش ضميمه طالب اولانلر ديپوزيتو اچقه ليله ويا معتبر
كفيللريله اوتوز بر كون ظرفنده ازميد سنجاقى بدایت
محكمه سى اجراء دائره سنده مراجعت ايللرى اعلان اولتور .

مطالب سنجاقى بدایت محكمه سى اجراء دائره سنده :

سلورى قضاسى ملحقانندن مع صارى كوى
قار قريه سنك اوجيوز اون سكر سنده سى واردات
عشره ملتزمى اولوب سلورى قصبه سنده اقامت ايدن
واسيلاكى كريكيدى افنديك سلورى ديون عموميه
اداره سنده از غير تسليات دينى قالان اوتوز طقوز بيك
يديوز كسور غروشك تأمين استيفاسى ضمتند
مومى اليك محجوز بولنان سور كون قريه سى دروننده
جانب يمينى بوشقواو غلى آستى قزى زوى ترلاسى جانب
يسارى و آرقه جهتى واسيلاكى افندى ترلاسى جبهه سى
طريق ايله محدود تخميناً در تيوز ذراع محل اوزرينه اون
التى ذراع عرضنده ويكرمى التى ذراع طولنده والتى ذراع
يوكسكلىكنده طاش ايله انشا اولنش بر باب مغازه
واتصالنده كى ترلانك اطراف اربعه سى شرقاً بوشقو
اوغلى آستى ترلاسى غرباً طريق جنوباً بايجو اوغلى
پنساوط اوغلى نيسقولاكى عرصه سى شمالاً مذكور
مغازه ايله محدود تخميناً التيوز ذراع ترلانك تاريخ
اعلاندن اعتباراً اون بش كون صكره بالمزايده فروخته
تشبث اوله جغندن طالب اولنلرك چتالجه سنجاقى
بدایت محكمه سى اجراء دائره سنده مراجعت ايللرى اعلان
اولتور .

كوريجه بدایت محكمه سى اجراء دائره سنده :

كوريجه نك واروش محله سى ساكنلرندن دعوى
وكيلى واسيل ديمتري قوندى افنديك كوريجه قضا سنده تابع
درستيك قريه لى عابدين عثمان ايله اشخاص سائر ذمتلرند
كوريجه تجارت محكمه سنك اعلاميله محكوم به آله جنى
اولان معلوم المقدار مبالغك تأمين استيفاسى ضمتند
مرقوم عابدينك قريه مزبوره سنورنده واقع لاغسيرا
نام محله ويسل عباس وشمس الدين باقى عثمان تيمور
ترلا ريله جاي وطريق ايله محدود درت دونملك برقطعه
ترلا سنك تاريخ اعلاندن اعتباراً اون بش كون صكره
بالمزايده فروخته تشبث اوله جغندن طالب اولانلرك
كوريجه بدایت محكمه سى اجراء دائره سنده مراجعت
ايللرى اعلان اولتور .